



Muskizko Udala **Ayuntamiento de Muskiz**

2010. urtean Ingurumen eta Garapen Iraunkorraren arloko jarduerak eta programak gauzatzeko irabazi-asmorik gabeko erakundeek zein pertsonak diru-laguntzak eskatzeko deialdia.

1. Helburua.

Deialdi honen xedea honako hau da: Ingurumena eta Garapen Iraunkorra hobetzeko egiten diren urteko programek nahiz ekintza jakinek eragindako galera ekonomikoei aurre egiteko diru-laguntzak eskatu eta emateko baldintzak arautzea. Nolanahi ere, erakunde horien ohiko ekintzak zein ekintza bereziak izango dira diru-laguntza horien xede. Deialdi honetako diru-laguntzak publizitatearen, lehia askearen eta objektibotasunaren printzipioen arabera emango dira. Horretarako, norgehiagoka prozedura erabiliko da, hau da, aurkeztutako eskaerak alderatu egingo dira, deialdi honetan ezarritako baremoekin bat eskabideen arteko hurrenkera ezartzeko. Baremo horien arabera baldintzak betetzen dituztenei esleituko zaizkie diru-laguntzak, betiere erabil daitezkeen kredituaren eta zehaztutako baldintzen mugaren barruan.

2. Aurrekontua

Ingurumen Sailak 8.000 euroko aurrekontua izango du diru-laguntzak emateko.

3. Erakunde onuradunak

Diru-laguntzak eskatu ahal izango dituzte Muskizeko irabazi-asmorik gabeko erakunde zein pertsonak, betiere baldintza hauek betetzen badituzte: indarrean dagoen legediaren arabera eratuta eta dagokien erregistroan izena emanda egotea eta Muskiztarren intereserako diren natura zaintzeko, bizitza kalitatea hobetzeko, eta, oro har, iraunkortasuna sustatzeko programak eta ekintzak gauzatzeko proiektua izatea.

Salbuespen gisa, dagokion Sailak hala iritziko balio, Muskizetik kanpoko elkarte eta pertsonak ere izango dute diru-laguntzak eskatzeko aukera, baldin eta beren jardueraren udalerrian bertan gauzatzen badute edota udalerrriaren interesekoa bada.

4. Kanporaketak

Ondorengo hauek diru-laguntza deialdi honetatik kanpo geratuko dira:

- a) Euren xedea edo izaeragatik deialdia egin duen Sailaren jardueraren eremuarekin zerikusirik ez dutenak.
- b) Euren izaera edo helburuagatik Udaleko beste Sail edo erakunde autonomo batzuen programetan egon beharko luketenak. Nolanahi ere, eskabidea dagokion Sailera edo erakundera bidaliko da eta horren berri emango zaio interesatuari.
- c) Diru-laguntza izenduna xede duten programak eta Sail honen beste deialdi batzuetan egokiago egon daitezkeenak edo beren beregi ageri direnak.
- d) Jasotako diru-laguntzaren agiria aurkezten ez dutenak.
- e) Ez dira diru-laguntzaren xede izango higiezinak erosteko maileguetako finantza-gastuak eta haien amortizazioak, ez eta berreskuratutako edo konpentsatu daitezkeen zeharkako zergak ere.



Muskizko Udala Ayuntamiento de Muskiz

f) Ez dira langileen gastutzat hartuko erakunde edo zentroetako Zuzendaritza-Batzetako edo Kontseiluetako kide gisa egindako jardueren gastuak, baldin eta kideok diru-laguntzaren xede diren jarduerak egiteko lan-kontratupean ez badaude eta beharrezko titulu egokia eta behar adinakoa ez badute.

5. Eskaerak aurkeztea

Diru-laguntza jaso nahi duten erakundeek honako agiri hauek aurkeztu beharko dituzte:

- a) Deialdi honi atxikita dagoen eskabide-orria.
- b) Diruz lagunduko den proiektuaren deskripzioa.
- c) Erakunde eskatzailearen ibilbidea adierazten duen memoria. Nortzuek osatzen duten, helburuak, gauzatutako jarduerak...
- d) Aurretik diru-laguntzarik jaso ez duten erakundeek honako hauek aurkeztu beharko dituzte:

- Identifikazio fiskaleko kodea.
- Estatutuen fotokopia.
- Eratze-akta.

e) Bankuko kontuaren titularraren berri ematen duen agiria, deialdi honi atxikitakoa.

f) Diru-sarreraren eta aurreikusitako gastuen aurrekontua, ondorengo gidoiaren arabera:

Gastuen aurrekontua:

- Hirugarrenei egindako ordainketak (zerbitzuak, laguntzaileak...)
- Materialen eskuraketa.
- Sustapena (kartelak, programak, iragarkiak...)
- Beste batzuk.

Diru-sarreraren aurrekontua:

- Erakunde eskatzaileak izandako diru-sarrerak.
- Beste erakunde publiko edo pribatuetatik jasotako diru-laguntzak edo dohaintzak.

g) Ogasuneko eta Gizarte Segurantzako zerga guztiak eguneratuta dituztela adierazten duten egiaztagiriak.

Eskatutako agiri guztiak aurkezten ez badira edo oinarri hauetan xedatutako baldintzak betetzen ez badira, 10 eguneko epea emango zaie erakundeei akatsa zuzentzeko edo falta diren agiriak aurkezteko. Era berean, ohartarazi egingo zaie, horrela egin ezean, eskaera baztertu egingo dela.

Jardueraren inguruko dokumentazioaz gain, Udalak diru-laguntza eskatzen duten pertsonen zein erakundeen jardun horiek balioesteko behar adinako informazio osagarria eska diezaike.

6. Epeak

- Urteko jardueren programa: Deialdia argitaratzen denetik 30 eguneko epea.
- Ekintza zehatzen programa: Ekintzak gauzatu baino hilabete lehenagoko epea eta, betiere, azaroaren 30a baino lehen.



Muskizko Udala Ayuntamiento de Muskiz

7. Diru-laguntzak balioesteko eta emateko irizpideak

Erakunde edo pertsona eskatzaileek gehienez ere 100 puntu lortu ahal izango dituzte, honako baremo hauek kontuan hartuta:

1. Jarduera berarentzat beste erakunde publiko edo pribatu batzuen diru-laguntzarik eskatu ez izana: 10 puntu.
2. Udalerrian garapen iraunkorra lortzeko, herritarren parte hartzea sustatzea. Gehienez 10 puntu.
3. Sexu-diskriminazioaren aurkako baloreak eta jarrera aldaketak bultzatuko dituzten jarduerak: 5 puntu.
4. Aurkeztutako programan urte horretan garrantzi handia izango duten jarduerak sartzeari buruzko urteurrenak, biltzarrak eta antzekoak: 10 puntu.
5. Proiektuaren ingurumen-interesa helburuetan islatzen duten jarduerak. Helburu hauek sustatu beharko dituzte: bioaniztasunaren babesa, baliabide naturalen erabilera iraunkorra, hiri edo natura ingurunea hobetzea eta eguraldi aldaketaren aurkako jarduerak: 20 puntu.
6. Jardueraren edo programaren berri ematea eta herritar guztien parte hartzea eta sentsibilizazioa sustatzea (publizitatea): 5 puntu.
7. Sustapen horretan Ingurumen Sailaren taldekako jarduerak edo proiektuak interesgarriak direla kontuan hartzea: 10 punturaino.
8. Euskara erabiltzea: 2 puntu.
9. Boluntarioen parte hartzea: 10 puntu.
10. Diruz lagunduko den jardueraren lurralde-eremua, betiere Muskiz udalerriaren barruan, ondorengo eskalarekin bat:
 - Hiri inguruko eremua: 3 puntu.
 - Herriguneko eremua: 2 puntu.
11. Gutxienez bi urteko jarraipena izango duten proiektuen aldeko balioespena: 5 puntu
12. Deialdi honen aurreko 3 urteetan Ingurumen Sailaren diru-laguntza jaso izan duten erakundeen aldeko balioespena: 5 puntu.

13. Ingurumena babesteko mekanismoak abian jarri izanaren aldeko balioespena: 5 punturaino.



Muskizko Udala **Ayuntamiento de Muskiz**

10 puntu baino gutxiago lortzen duten eskaerei ezetza emango zaie. Deialdi honetarako ezarri den aurrekontua onartutako eskaera guztien artean banatuko da, bakoitzak lortutako puntuen proportzioan, salbuespen hauek aintzat hartuta: alde batetik, diru-laguntzaren zenbatekoa ezin izango da aurkeztutako gastuen %75 baino handiagoa izan; eta bestetik, diru-laguntzaren zenbatekoa 10 puntu baino gehiago lortu dituzten eskaeren artean banatuko da. (Bi kasuetan salbuespenak egon litezke, baldin eta behar den bezala arrazoituta badaude eta Ingurumen Sailak oniritzen baditu). Elkarte bakoitzari diru-laguntza emango zaio aurkeztutako jardueren kopuruaren arabera.

8. Ebazpenak jakinaraztea

Behin ebazpenak eginda, dagokion Sailak idatziz jakinaraziko die eskatzaile guztiei eta, ondoren, emandako diru-laguntza sartuko die bankuko kontuan.

9. Diru-laguntzak justifikatzea eta itzultzea

Jarduera bereziak gauzatzen direnetik bi hilabeteko epean justifikatu beharko dira. Urteko programak justifikatzeko, berriz, diruz lagundu den programaren hurrengo urteko urtarrilaren 31 izango da azken eguna. Aurretik emandako diru-laguntzak zegokien epeetan justifikatu ez dituzten erakunde edo pertsoneri ez zaie, inola ere, diru-laguntzarik emango.

Diru-laguntzak justifikatzeko honako agiri hauek aurkeztu beharko dira:

- 1.- Gastuen laburpen-zerrenda.
 - 2.- Gastuen fakturak.
 - 3.- Diruz lagundutako jarduera edo programen deskripzio eta balioespen txostena.
 - 4.- Diruz lagundutako jardueren publizitatean Muskizko Udalaren laguntza jakinarazi dela egiaztatzen duen agiria.
- Muskizko Udalak behar bezala justifikatu ez den diru-kopurua erreklamatu ahal izango die diru-laguntza jaso duten erakundeei edo pertsoneri.